



Broj: 02-04-53498-2/24
Sarajevo, 11.12.2024. godine

PREDSJEDAVALJUĆI SKUPŠTINE KANTONA SARAJEVO
ZASTUPNICI SKUPŠTINE KANTONA SARAJEVO

PREDMET: Stavovi na Amandmane Kluba zastupnika Demokratske fronte u Skupštini Kantona Sarajevo na prijedlog Zakona o izmjenama i dopunama Zakona o državnoj službi u Kantonu Sarajevo

Na **80.** vanrednoj sjednici Vlade Kantona Sarajevo održanoj **11.12.2024.** godine, a u funkciji pripreme **18.** Radne sjednice Skupštine Kantona Sarajevo, razmatrani su amandmani kluba zastupnika u Skupštini Kantona Sarajevo po materijalu koji se nalazi na dnevnom redu navedene sjednice, i to:

1. Amandmani Kluba Demokratske fronte u Skupštini Kantona Sarajevo.

Nakon razmatranja amandmana kluba zastupnika u Skupštini Kantona Sarajevo, Vlada Kantona Sarajevo zauzela je sljedeće

S T A V O V E

NA AMANDMANE KLUBA ZASTUPNIKA DEMOKRATSKE FRONTE U SKUPŠTINI
KANTONA SARAJEVO NA PRIJEDLOG ZAKONA O IZMJENAMA I DOPUNAMA
ZAKONA O DRŽAVNOJ SLUŽBI U KANTONU SARAJEVO

A M A N D M A N I

U članu 11. (dopuna člana 38.) briše se alineja (6) koja glasi:
'Žalba iz stava (5)ovog člana ne odgađa dalji izborni proces i postavljenje'

Obrazloženje:

Neprihvatljivo je obrazloženje radi koje žalba ne odgađa dalji izborni proces i postavljenje državnih službenika koji se odnosi na dugotrajne žalbene postupke pred Odborom za žalbe koje kako se navodi usporavaju postupak popunjavanja radnih mjesta u organima koji su iskazali potrebu za popunjavanjem radnih mjesta. Navodi se da žalba Odboru protiv akata o postavljenju, imenovanju, premještanju ili razrješenju državnog službenika ne odgađa njihovo izvršenje i sadržana je u Zakonu o državnoj službi u institucijama BiH. Na ovaj način ukida se suspenzivno dejstvo žalbe do pravosnažnosti rješenja u odlučivanju o pravima iz radnog odnosa. Pravna nesigurnost koja se stvara ovakvim zakonskim rješenjima će proizvesti sudske postupke i donijeti štetne posljedice i po primljene kandidate , organe državne službe u jedno donosi nepotrebnu potrošnju budžetskih



sredstava. Takođe postavlja se i pitanje na koji način prestaje radni odnos državnog službenika koji je postavljen rješenjem ukoliko je žalba prihvaćena? Predlagač je potpuno predvidio činjenicu da sva lica koja stupaju u radni odnos prolaze sigurnosne provjere u skladu sa Zakonom o zaštiti tajnih podataka BiH i ove provjere traju i do tri mjeseca, vrijeme koje je potrebno za postavljenje državnog službenika.

Stav predlagača:

Amandman se ne prihvata.

O b r a z l o ž e n j e

Prioritet efikasnosti u postupku postavljenja državnih službenika, gdje žalbe ne odlažu dalji izborni proces i postavljenje, doprinosi bržem donošenju i implementaciji odluka, povećava stabilnost i operativnu efikasnost institucija, smanjuje administrativne zastoje i sprečava manipulaciju pravnim sistemom.

Prijedlogom Zakona članom 17. (Izmjena i dopuna člana 52.) predloženo je da se doda nova tačka k) kojom je predloženo da radni odnos prestaje "odlukom drugostepenog organa po žalbi, koja za posljedicu ima prestanak radnog odnosa".

Nadalje, sigurnosne provjere prolaze samo ona lica koja su se prijavila na radna mjesta koja su predmet sigurnosne provjere, a ne sva lica koja stupaju u radni odnos kako se to u predloženom amandmanu neosnovano navodi. Listu radnih mjesta, odnosno dužnosti za lica koja su predmet sigurnosne provjere, odlukom utvrđuje rukovodilac organa i uvrštava je u sistematizaciju radnih mjesta, a sve u skladu sa članom 35. Zakona o zaštiti tajnih podataka („Službeni glasnik BiH“, broj: 54/05 i 12/09).

A M A N D M A N II

Briše se član 12. (dopuna člana 39 - Postavljanje državnog službenika) koji glasi: ' U članu 39. stav (1) na kraju teksta interpunkcijski znak 'tačka' zamjenjuje se interpunkcijskim znakom 'zarez' i dodaje se sljedeći tekst: ' koja ne odlaže izvršenje rješenja '

Obrazloženje:

Neprihvatljivo je obrazloženje radi koje žalba ne odgađa dalji izborni proces i postavljenje državnih službenika koji se odnosi na dugotrajne žalbene postupke pred Odborom za žalbe koje kako se navodi usporavaju postupak popunjavanja radnih mjesta u organima koji su iskazali potrebu za popunjavanjem radnih mjesta. Navodi se da žalba Odboru protiv akata o postavljenju, imenovanju, premještanju ili razrješenju državnog službenika ne odgađa njihovo izvršenje i sadržana je u Zakonu o državnoj službi u institucijama BiH. Na ovaj način ukida se suspenzivno dejstvo žalbe do pravosnažnosti rješenja u odlučivanju o pravima iz radnog odnosa. Pravna nesigurnost koja se stvara ovakvim zakonskim rješenjima će proizvesti sudske postupke i donijeti štetne posljedice i po primljene kandidate, organe državne službe u jedno donosi nepotrebnu potrošnju budžetskih sredstava. Takođe postavlja se i pitanje na koji način prestaje radni odnos državnog službenika koji je postavljen rješenjem ukoliko je žalba prihvaćena? Predlagač je potpuno predvidio činjenicu da sva lica koja stupaju u radni odnos prolaze sigurnosne provjere u skladu sa Zakonom o zaštiti tajnih podataka BiH i ove provjere traju i do tri mjeseca, vrijeme koje je potrebno za postavljenje državnog službenika.

Stav predlagača:

Amandman se ne prihvata.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

2/4

O b r a z l o ž e n j e

Prioritet efikasnosti u postupku postavljenja državnih službenika, gdje žalbe ne odlažu dalji izborni proces i postavljenje, doprinosi bržem donošenju i implementaciji odluka, povećava stabilnost i operativnu efikasnost institucija, smanjuje administrativne zastoje i sprečava manipulaciju pravnim sistemom.

Prijedlogom Zakona članom 17. (Izmjena i dopuna člana 52.) predloženo je da se doda nova tačka k) kojom je predloženo da radni odnos prestaje "odlukom drugostepenog organa po žalbi, koja za posljedicu ima prestanak radnog odnosa".

Nadalje, sigurnosne provjere prolaze samo ona lica koja su se prijavila na radna mjesta koja su predmet sigurnosne provjere, a ne sva lica koja stupaju u radni odnos kako se to u predloženom amandmanu neosnovano navodi. Listu radnih mjesta, odnosno dužnosti za lica koja su predmet sigurnosne provjere, odlukom utvrđuje rukovodilac organa i uvrštava je u sistematizaciju radnih mjesta, a sve u skladu sa članom 35. Zakona o zaštiti tajnih podataka ("Službeni glasnik BiH", br. 54/05 i 12/09).

A M A N D M A N III

Briše se Član 18. (Izmjena člana 53. Postupak za prestanak radnog odnosa) u stavu (3) koji glasi: ' (3)Žalba ne odlaže izvršenje rješenja o razriješenju, izuzev u slučaju iz člana 52. tačka e), g) h) i i) ovog zakona '

Obrazloženje:

Neprihvatljivo je obrazloženje radi koje žalba ne odgađa postupak za prestanak radnog odnosa državnih službenika

Navodi se da žalba Odboru protiv akata o postavljenju, imenovanju, premještanju ili razriješenju državnog službenika ne odgađa njihovo izvršenje sadržana je i u Zakonu o državnoj službi u institucijama BiH. Na ovaj način ukida se suspenzivno dejstvo žalbe do pravosnažnosti rješenja u odlučivanju o pravima iz radnog odnosa. Pravna nesigurnost koja se stvara ovakvim zakonskim rješenjima će proizvesti brojne sudske postupke i donijeti štetne posljedice za državne službenike za koje je donesena odluka o prekidu radnog odnosa ujedno i za organe državne službe što donosi nepotrebnu potrošnju budžetskih sredstava.

Stav predlagača:

Amandman se ne prihvata.

O b r a z l o ž e n j e

U članu 52. Zakona o državnoj službi u Kantonu Sarajevo („Službene novine Kantona Sarajevo“, br. 31/16 i 45/19) taksativno su navedeni slučajevi u kojima prestaje radni odnos državnom službeniku. U okviru razloga za prestanak radnog odnosa utvrđenih u članu 52. od tačke a) do k), državni službenik ima mogućnost izjavljivanja žalbe koja ima suspenzivno dejstvo (osim tačke f). Tek po konačnosti akta kojim je odlučeno o pravu državnog službenika, rukovodilac organa državne službe može donijeti rješenje o razriješenju državnog službenika, te iz naprijed navedenog razloga predloženi amandman se ne prihvata.

A M A N D M A N IV

Izmjene Člana 2. (Izmjene člana 10.) dodati u alineji b) alineju b)1 Sekretar Skupštine KS/gradskog/općinskog vijeća



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

Образложение:

U dijelu klasifikacije državnih službenika (član 10. Zakona - Radna mjesta državnih službenika KS) nedostaje radno mjesto 'sekretar Skupštine KS/gradskog/općinskog vijeća'.

Prilikom klasifikacije državnih službenika nije se vodilo računa o specifičnosti organizacije , poslova i potreba pojedinih organa u KS Radno mjesto sekretar Skupštine KS/gradskog/općinskog vijeća sadržano je u federalnom Zakonu o platama i naknadama u organima vlasti FBiH , takođe precizirano je i u Uredbi o osnivanju službe za skupštinske poslove KS. Sekretar rukovodi službom zakonodavnog / predstavničkog tijela i odgovara za ljudske i materijalne resurse, koordinira rad Službe sa organima uprave i drugim službama. U skladu sa Zakonom o organizaciji organa uprave Služba za poslove Skupštine / vijeća nije organ uprave kao što je ministarstvo. Izostanak ovog radnog mjesta predstavlja pravnu prazninu i klasificira ga pod radna mjesta koja po zakonu ne odgovaraju opisu poslova Službe za poslove Skupštine/ gradskog / općinskog vijeća.

Stav predlagača:

Amandman se ne prihvata.

Образложение

Članom 54. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) izričito je propisano da izvršni organi (vlada, gradonačelnik ili načelnik) osnivaju stručne i druge službe. U odnosu na navedena radna mjesta ne postoji pravna praznina, ista su prepoznata u članu 10. stav (1) tačka a) Zakona o državnoj službi u Kantonu Sarajevo („Službene novine Kantona Sarajevo“, broj: 31/16 i 45/19). Navedeni status Sekretara Skupštine utvrđen je i u Uredbi o osnivanju Službe za skupštinske poslove Skupštine Kantona Sarajevo („Službene novine Kantona Sarajevo“, broj: 4/05 i 12/20).



Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
- ④ 4. Sekretar Skupštine Kantona Sarajevo,
5. Premijer Kantona Sarajevo,
6. Ministarstvo pravde i uprave Kantona Sarajevo,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

4/4